



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-06/01-34-30789-5/26
Sarajevo, 19.05.2026. godine

JAVNA USTANOVA OSNOVNA ŠKOLA „VLADISLAV SKARIĆ“
Sarajevo, Terezije 48
n/r Direktora

PREDMET: Tumačenje, dostavlja se

Veza – Vaš akt, broj: 01-3-473/26 od 22.04.2026. godine

Poštovani,

U Ministarstvu za odgoj i obrazovanje Kantona Sarajevo (u daljem tekstu: Ministarstvo) zaprimljen je Vaš zahtjev, broj i datum veze, kojim tražite tumačenje Odluke o izmjeni Nastavnog plana i programa sa definisanim ishodima učenja iz nastavnog predmeta Muzička/Glazbena kultura, ministricе za odgoj i obrazovanje Kantona Sarajevo, broj: 11-34-30789-3/25 od 12.06.2025. godine, i to posebno u dijelu koji utvrđuje profil nastavnika.

Nakon razmatranja Vašeg akta, ukazujemo na sljedeće odredbe važećih propisa koji regulišu pitanje primjene odredbi kojima se uređuje profil i stručna sprema nastavnika: Članom 97. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj 27/24) propisano je da profil i stručnu spremu nastavnika utvrđuje Ministarstvo posebnim aktom na prijedlog Javne ustanove Institut za razvoj preduniverzitetskog obrazovanja Kantona Sarajevo, uz saglasnost Vlade Kantona Sarajevo. Članom 135. stav (7) navedenog zakona propisano je da se do donošenja propisa iz člana 97. ovog zakona primjenjuju važeći profili i stručna sprema definisani nastavnim planom i programom za nastavne predmete, odnosno definisani važećim standardima i normativima. U podpoglavlju 5.2. Pedagoških standarda i normativa za odgoj i obrazovanje u osnovnoj i srednjoj školi („Službene novine Kantona Sarajevo“, br. 3/25 i 29/25) definisano je da je profil i nivo stručne spreme nastavnika utvrđen zakonom i nastavnim planom i programom te članom 28. Zakona o odgoju i obrazovanju u osnovnoj i srednjoj školi u Kantonu Sarajevo propisano je da se odgojno-obrazovni rad u školi ostvaruje na osnovu nastavnog plana i programa/predmetnog kurikulumа zasnovanog na ishodima učenja, te da Ministarstvo, na prijedlog Instituta, utvrđuje i donosi nastavni plan i program.

U skladu sa navedenom zakonskom legislativom, kao i mišljenju, broj: 03-2-34- 5587/25 od 09.06.2025. godine od strane Javne ustanove Institut za razvoj preduniverzitetskog obrazovanja Kantona Sarajevo, a nakon provedene analize Nastavnog plana i programa/predmetnog kurikulumа za nastavni predmet Muzička/Glazbena kultura, inicirana je dopuna dijela koji se odnosi na profil i



stručnu spremu nastavnika na način da se, pored postojećih kvalifikacija, predvidi i mogućnost angažovanja lica koja su završila druge visokoškolske umjetničke muzičke institucije sa odgovarajućim odsjecima. Slijedom navedene inicijative donesena je Odluka o izmjeni Nastavnog plana i programa sa definisanim ishodima učenja iz nastavnog predmeta Muzička/Glazbena kultura, broj: 11-34-30789-3/25 od 12.06.2025. godine, kojom je propisano da nastavu iz ovog nastavnog predmeta mogu izvoditi profesori Muzičke kulture i teoretsko-muzičkih predmeta (po predbolonjskom sistemu studiranja), kao i lica koja su završila druge visokoškolske umjetničke muzičke institucije sa odgovarajućim odsjecima.

Imajući u vidu da predmetna odredba ne sadrži taksativan spisak svih odgovarajućih odsjeka, niti dodatno ograničava pojam „odgovarajući odsjek“, te uzimajući u obzir razlog donošenja predmetne izmjene, kojim je proširen krug prihvatljivih kvalifikacija u okviru muzičke struke, može se zaključiti da postoji mogućnost da i drugi studijski programi realizovani na visokoškolskim umjetničkim muzičkim institucijama budu obuhvaćeni navedenom odredbom, ukoliko po svojoj prirodi, sadržaju i stručnim kompetencijama predstavljaju odgovarajući profil za izvođenje nastave iz nastavnog predmeta Muzička/Glazbena kultura.

U konkretnom slučaju izmjena predmetne odluke je izvršena na inicijativu lica L.Č.K. koje posjeduje diplomu Bakalaureat/Bachelor etnomuzikologije i Magistar etnomuzikologije. Naime, dana 30.05.2025. godine Ministarstvu se obratilo predmetno lice L.Č.K. sa inicijativom za izmjene profila u Nastavnom planu i programu za osnovno obrazovanje, tačnije u dijelu koji se odnosi na profil i stručnu spremu nastavnika koji mogu predavati predmet muzička/glazbena kultura. U inicijativi lica L.Č.K. navodi da je u svim ranijim odlukama, bilo definisano da nastavu mogu izvoditi lica sa završenom „drugom visokoškolskom umjetničkom muzičkom institucijom sa odgovarajućim odsjecima“, te da postoje lica sa istim profilom i stručnom spremom koja su ranije zaposlena na radnom mjestu nastavnik/ica muzičke kulture. Shodno zaprimljenoj inicijativi, Ministarstvo je aktom broj 11-07/01-34-30789-1/25 od 03.06.2026. godine zatražilo mišljenje na predmetnu inicijativu od JU Institut za razvoj preduniverzitetskog obrazovanja Kantona Sarajevo. Na akt Ministarstva, JU Institut za razvoj preduniverzitetskog obrazovanja Kantona Sarajevo, odgovorio je aktom Mišljenje, broj 03-2-34-5587/25 od 09.06.2025. godine, a kojim se prihvata inicijativa i predlaže donošenje Odluke o izmjeni odluke u dijelu profila i stručne spreme shodno inicijativi lica L.Č.K. U skladu sa navedenim, donesena je Odluka o izmjeni Nastavnog plana i programa sa definisanim ishodima učenja iz nastavnog predmeta Muzička/Glazbena kultura, broj 11-34-30789-3/25 od 12.06.2025. godine.

Nadalje, uvidom u EMIS (Education Management Information System) sistem utvrđeno je da u odgojno-obazovnom sistemu u Kantonu Sarajevo na radnom mjestu Nastavnik/ica muzičke/glazbene kulture u osnovnim i srednjim školama postoje zaposlena lica na neodređeno i određeno radno vrijeme, sa zvanjem etnomuzikolog, muzikolog, diplomirani muzikolog, diplomirani muzikolog i etnomuzikolog, diplomirani etnomuzikolog-profesor, bachelor etnomuzikologije, master etnomuzikologije, magistar muzikologije, diplomirani muzikolog - teoretsko-pedagoški smjer, i profesor muzike. U konkretnom slučaju:

- lice sa zvanjem Profesor muzike zasnovalo je radni odnos 01.09.1997. godine u dvije osnovne škole na radnom mjestu nastavnik/ica muzike;
- lice sa zvanjem Profesor muzike zasnovalo je radni odnos 05.03.1993. godine u jednoj osnovne škole na radnom mjestu nastavnik/ica muzike;
- lice sa zvanjem bachelor muzikologije zasnovalo je radni odnos na neodređeno vrijeme u dvije osnovne škole i to 01.07.2022. godine i 15.10.2021. godine;
- lice sa zvanjem Diplomirani etnomuzikolog profesor, zasnovalo je radni odnos na neodređeno vrijeme u osnovnoj školi 01.09.2022. godine;




- Lice sa zvanjem Diplomirani muzikolog - teoretsko-pedagoški smjer, zasnovalo je radni odnos na neodređeno vrijeme u osnovnoj školi 02.07.2023. godine;
- Lice sa zvanjem Diplomirani etnomuzikolog profesor, zasnovalo je radni odnos na neodređeno vrijeme u srednjoj školi dana 05.09.2025. godine, odnosno 23.12.2024. godine u osnovnoj školi;
- Lice sa zvanjem Magistar etnomuzikologije, zasnovalo je radni odnos na određeno vrijeme u srednjoj školi od 11.02.2026. godine, odnosno osnovnoj školi od 10.02.2026. godine i
- Lice sa zvanjem Bakalaureat/Bachelor etnomuzikologije zasnovalo je radni odnos na određeno vrijeme na radno mjestu Voditelj grupe u produženom boravku u osnovnoj školi od 23.02.2026. godine.

Pored navedenog na konkursu za radnika u radni odnos u osnovnim i srednjim školama kao javnim ustanovama na području Kantona Sarajevo za školsku 2026/2027. godinu utvrđeno je da je pet lica sa zvanjem Bakalaureat/Bachelor etnomuzikologije, magistar etnomuzikologije, Bakalaureat/Bachelor muzikologije i magistar muzikologije apliciralo za radna mjesta nastavnik/ica muzičke/glazbene kulture u osnovnim i srednjim školama.

U skladu sa naprijed navedenim, a uzimajući u obzir i radnike koji su u ranijem periodu zaposleni na radnom mjestu nastavnik/ica muzičke/glazbene kulture u osnovnim i srednjim školama, postoji mogućnost da se kvalifikacija Bakalaureat/Bachelor etnomuzikologije, kao kvalifikacija stečena na visokoškolskoj umjetničkoj muzičkoj instituciji, smatra odgovarajućim odsjekom u smislu navedene Odluke, s obzirom da važećim propisom nije izričito isključena niti je krug odgovarajućih odsjeka ograničen isključivo na taksativno navedene studijske programe.

S poštovanjem,



Dostaviti:

1. Naslovu;
2. Svim osnovnim školama
3. JU Institut za razvoje preduniverzitetskog obrazovanja Kantona Sarajevo
4. Internet stranica Ministarstva
5. Arhivi.



